


5
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
4




3172
306



古130
8485





兩漢金石記卷第十一

日講起居注官文淵閣直閣事詹事府詹事兼翰林院侍讀學士大興翁方綱



蒼頡廟碑

無額

早行 流闕幾字不可計劉君諱下闕幾字不可計

早行 以省火流德教於千里禮樂之下闕不可計

早行 逢義立親乃詠訪國老下闕

早行 彌久奠之室於是乎作教告下闕

早行 誓寫彼鳥迹以紀時下闕

早行 蒼頡天生德於大聖四目靈光為百王作書以傳萬

嗣陶闕幾字以誨闕下

法度非書不明古今行事非品闕無以垂示三綱六

紀闕下地理印覽縣為俯名山川五常之類含氣庶品非書

不記闕下大表千秋闕四未生者皆闕二服其教闕為德也莫闕下

陰陽並兼然闕四乾行無已順環無端闕下

三百選有德聖裔闕之乘稷稻梁澳齊闕二

良辰薦祀告闕三復民五家須闕下

禱祈雨降子闕六盜賊闕文闕下

穎川闕不訓古今闕下

歌之義闕乃作頌曰空穆穆聖蒼闕下

老名永久彌光無德不報闕百行順禮闕下

聲休嘉孔融此下空

劉府君大漢枝族應期作弼宗闕下

禮崇樂以化未造勸詣璧雍闕下

令問節高闕配聖德合符出闕下

碑陰闕

世列之弟一行余可見

此列之第三行
上計關不
陳

此列之第三行
上計關不
陳

此列之第四行
可計關不
陳

此列之第五行
故晉盜賊文
走千

此列之第六行
故記史池陽
吉二百

此列之第七行
五官掾高陵
千

此列之第八行
奏轉掾池陽
吉千

此列之第九行
可計關不
千

此列之第十行
可計關不
千

此上列之十二行全不可見

此上列之十三行全不可見

此上列之十四行全不可見

此上列之十五行全不可見

此上列之十六行全不可見

此上列之十七行全不可見

此上列之十八行全不可見

此上列之十九行
上計關不

此上列之二十
可計

此上列之二十一
曹文蓮勺
千

此上列之二十二行
可計關不
池陽
千

此上列之廿二行

倉曹史 臨晉楊仲干

此上列之廿三行

雲陽□□干

此上列之廿四行

曹史

此下列之第一行全不可見

此下列之第二行全不可見

此下列之第三行

議曹

此下列之第四行

少府史

此下列之第五行

教化史

此下列之第六行

持事掾

此下列之第七行

高陵守

西漢金匱要略

三

此下列之第八行

持事掾高

此下列之第九行

故亭長

此下列之第十行

掾亭

此下列之第十一行

池陽吉山

此下列之第十二行全不可見

此下列之第十三行全不可見

此下列之第十四行全不可見

此下列之十五行

可計 不 勻

此下列之十六行全不可見

此下列之十七行

可計 不 掾萬

西漢金匱要略

日

此下列之十八行全不可見

此下列之十九行全不可見

此下列之二十行

上關不曹下關

此下列之二十一行

上關不掾曹下關

此下列之二十二行全不可見

此下列之二十三行全不可見

此下列之二十四行全不可見

碑側

郡令翔方臨戎孫羨

關六七字不可定

從事水壽二丰

翔方太守上郡仇君察孝除郎中大原陽曲長延熹四年

九月乙酉詔書遷御令五年正月到官奉見

劉明府立祠刊石表章大聖之遺靈以示來世之未

生謹出錢千百口者下行自紀姓名

郡守丞臨晉張疇字元德五百 守左尉萬年長沙瑗字君平五百

右左側之上層凡六行

郡縣三老上官鳳季方三百

郡鄉三老時勤伯秋三百

郡主記掾楊綬子長三百

郡門下功曹裴篤伯安三百

郡門下游徵許愔功上三百

涖門下賊曹白餘子□三百

右第二層六行

功曹史上官才□韋三百

錄事史楊禽孟布三百

集曹掾馬津子孝三百

倉曹掾任就子□□百据集古錄子下當是優

故功曹郭□□□三百

集曹闕字不可計三百

右第三層六行

軍假司馬鄒闕下

逆掾位鄒闕下

逆掾位鄒張闕下

故文學掾鄒李闕下

故文學掾闕下

右第四層止存五行
右第一層之左側凡四層

議曹史蓮勺楊士三千

功曹書佐頻陽成扶千

騎吏蓮勺任衆六百

騎吏高陵□肆六百

騎吏臨晉□珠六百

□吏高陵張順六百

右右側之上層六行

高陵左鄉有秩

闕下

萬年左鄉有秩游智千

萬年北鄉有秩畢奮千五百

蓮勺左鄉有秩杜衡千五百

池陽左鄉有秩何博千五百

右第二層止存五行

夏陽候長

闕下

夏陽候長馬琪千

粟邑候長何惲千

及羽候

闕下

右第三層止存四行
目上碑之右側凡三層

碑額題字

左馮翊東牟平陵衡君諱

字外以熹平六年五

月廿八日於

祠出奉錢二百

之禮

右額之右題
八分書五行

嘉祐庚子五月

蒼頡祠下

喬岳同過


汲郡呂大忠華陰

萬年朱吉打碑記

右額之左題正書五行
目上皆在碑正面穿之上方

尹碩字村明

官張掖屬國



右碑陰額上穿之右邊八分書似是四行前二行
今僅可辨十字字稍大後二行字稍小不可辨矣
前二行明字國字字脚占下碑陰字將四行許之
分際而其字與碑陰上一列之四五六士此四行
頂首一字緊相銜接而國字右半邊泐勢斑駁望
之微似羽字之半是以牛氏金石圖竟將碑陰上
層弟五六等行故智盜賊云云之上又多增一字
或半字不知此乃上面另題之字也○首行尹字
上或尚有一二字次行官字上亦或有字皆不可
臆定今故止從此字摹之

乃設
象為

已後

右五字又半字黃秋盦寄書來云蒼頡廟碑陰穿
之上尖角處有此數字摹以相寄秋盦此札甫至
適又得見一稍舊之拓本則此數字之前後似尚
有字而皆泐壞不可識矣乃字之前未知尚有幾
行為字下似是劉字後上半字不可識後下似是
世字就此數字詳其義似是乃設□□象為劉君
□□以□後世雖不可盡曉然大意是為劉君作
也附識於此

右蒼頡廟碑并陰及其兩側凡四紙牛氏金石圖
云碑在白水縣東北五十里史官村正北五里許
廟中西向又云高五尺濶二尺厚五寸然今以拓
本度之其濶乃不止二尺則牛氏諸圖所載尺寸
蓋有未可盡信者矣
是碑歐公僅得其兩側其目以為朔方太守碑陰
者左側也又目以為不知何碑陰者右側也趙氏
金石錄知其為蒼頡廟碑矣而又離而二之其目
以為熹平六年五月蒼頡廟碑者碑之正面也又

目以為延熹五年蒼頡廟人名者碑之兩側也吳山夫金石文存云金石錄以為熹平六年予但以兩側有延熹五年字而定為桓帝時刻此語是矣然吳山夫蓋亦未審碑正面上方別有熹平六年字也山夫自謂所得四紙皆具先後不紊舉似古人不覺色喜而趙氏所見之年月吳氏猶未之見豈得謂之全乎然吳氏又幸而未見熹平之字不至如趙氏誤以後人題字之年月為立碑之年月也

是碑御令孫美奉教於劉明府而立此石劉蓋治左馮翊也後漢書地理志左馮翊有衙縣注皇覽曰有蒼頡冢在利陽亭南墳高六丈是也衙碑作御繇之小變也碑文首以劉君諱□又云劉府君大漢枝族漢碑之體多以祀典推重其使君也漢碑之在今日未有蝕泐如是碑之甚者牛氏金石圖所摹正面僅存不足九十字陰僅四十字今予以精拓舊本諦審之正面尚可辨者二百六字陰上下二列可辨者九十二字趙氏金石錄所載為百王作憲句憲字乃是書字之訛而吳氏金石文存竟謂碑與碑陰皆不成文乃全芟去而僅從

碑側錄之何也

碑文二十四行陰亦如之其每行字數則本自脩短參差極隸書變勢之宜吳氏擬以郃陽曹全碑猶未盡也牛氏之圖則無論穿上後人所題隸楷槩弗之及而正面誤以為二十行陰則上列誤作八行下列誤作十四行其漫不足憑如此

碑以未為末凡二處

碑正面十八行未造是末造又左側上層未生是末生

又以偏傍王為玉亦凡二處其碑側內任下一字吳作鮐歐作就似以就為是

碑上方題名凡五段三隸二楷其三隸皆漢人一則熹平六年五月趙氏誤據以為正文者也其二則無年月亦漢人題名無疑但此二段隸法皆與本碑不同耳其二楷則前四行自後而前是宋人題也其末一行則另一人所題不可知其歲月矣

郃陽令曹全碑

無額

早一行君諱全字景完敦煌效穀人也其先蓋周之胄武王

秉乾之機翦伐殷商既定爾勲福祿攸同封弟叔振

早二行

鐸于鬻國因氏焉秦漢之際曹叅夾輔王室世宗廓土庠竟子孫遷于雍州之郊分止右扶風或在安定或

靈武都或居隴西或家敦煌枝分葉布所在為雄君

高祖父敏舉孝廉武威長史巴郡胸忍令張掖居延

都尉曾祖父述孝廉謁者金城長史夏陽令蜀郡西

部都尉祖父鳳孝廉張掖屬國都尉丞右扶風險麋

侯相金城西部都尉北地大守父琫少貫名州郡不

幸早薨隘不副德君童齒好學甄極斐緯無文不綜

賢孝之性相生於心收養季祖母供事繼母先意承

志存亡之敬禮無遺闕是以鄉人為之諺曰重親致

歡轉景完易世載德不隕其名及其從政清擬夷齊

直慕史魚歷郡右職上計掾史仍辟涼州常為治中

別駕紀細萬里朱紫不課出典諸郡彈枉糾邪貪暴

洗心同僚服德遠近憚威建寧二年舉孝廉除郎中

拜西域戊部司馬時疏勒國王和德殺父篡位不供

職貢君興師征討有寇臞之仁分醪之惠攻城野戰

謀若涌泉威牟諸賈和德面縛歸死還師振旅諸國

禮遺且二百萬悉以簿官遷右扶風槐里令遭同產

弟憂棄官續遇禁罔潛隱家巷七年光和六年復舉

孝廉七年三月除郎中拜酒泉祿福長詼賊張角起

兵幽冀兗豫荆揚同時並動而縣民郭家等度造逆

亂燔燒城寺萬民騷擾人哀不安三郡告急羽檄仍

至于時聖主諮諏羣僚咸曰君哉轉拜郃陽令收合

餘燼芟夷殘迸絕其本根遂訪故老商暈雋艾王敞

王畢等恤民之要存慰高丰撫育鰥寡以家錢糴米

稟賜瘠盲大女桃斐等合七首藥神明膏親至離亭

部吏王宰程橫等賦與有疾者咸蒙療悞惠政之流

甚於置郵百姓緝負反者如雲戢治廬屋市肆列陳

風雨時節歲獲豐年農夫織婦百工戴恩縣前以河

平元年遭白茅台水灾害退於戊亥之間興造城郭

是後舊姓及脩身之士官位不登君乃閱縉紳之徒

不濟開南寺門承望峯鬱鄉明而治庶使學者李儒

樂規程寅等各獲人爵之報廓廣聽事官舍廷曹廊

閣升降揖讓朝覲之階費不出民役不干時門下掾

王敞錄事掾王畢主簿王歷戶曹掾秦尚功曹史王

顯等嘉慕奚斯考甫之美乃共刊石紀功其辭曰懿

明后德義章貢王庭征鬼方威布烈安殊亢還師旅

臨槐里感孔懷赴咄紀嗟逆賊燔城市特受命理殘

圮芟不臣寧黔首繕官寺開南門闕嵯峨望峯山鄉

明治惠沾渥吏樂政民給足君高升極鼎足

中平二年十月丙辰造碑陰

皇下在末二行距前第十九行又隔三行之空

八行擬寫平格

皇下十九行

皇十五行

皇十六行

皇十七行

皇十八行

碑陰之文上下左右參差相間故不比他碑可以直書今依其原石之式為圖如左

處士河東皮氏岐茂孝才二百

右一行起上一層書之在四層之上偏石之左

縣三老商量伯祺五百

鄉三老司馬集仲裳五百

徵博士李儒文優五百

故門下祭酒姚之辛卿五百

故門下掾王敞元方千

故門下議掾王畢世異千

故督郵李諶伯嗣五百

故督郵楊勤子豪千

故將軍令史董溥建禮三百

故郡曹史守丞馬訪子謀

故郡曹史守丞楊榮長孳

故鄉耆夫尋駿安雲

故功曹任午子流

故功曹曹七定吉

故功曹王河孔達

故功曹王吉子儵

故功曹王時孔良五百

故功曹王獻子上

故功曹秦尚孔都二

故功曹王衡道興

故功曹楊休當女五百

故功曹王祈文珪

故功曹秦杼漢都干

璉

故功曹王詡子弘

故功曹杜安元進

右二十六行

孔宣

萌仲謀

此一行
空無字

故郵書掾姚閑外臺

故市掾王尊友憲

故市掾杜靖彦淵

故主簿鄧化孔彥

故門下賊曹王翊長河

右八行為第二層在碑
陰之偏左其右無文

故市掾王理建和

故市掾成播寧舉

故市掾楊則孔則

故市掾程璜孔休

故市掾扈安子安千

故市掾高頁顯和千

故市掾王璠李晦

故門下史秦並靜先

右八行弟
三層之右

起

故賊曹史王授文博

故金曹史精暘文亮

故集曹史柯相文舉千

故賊曹史趙福文祉

故法曹史王敢文國

故塞曹史杜苗幼始

故塞曹史吳產孔才五百

□□部掾趙吳文高

□□曹史高廉 吉千

右十行弟三層之左
第二層之八行及第三層左半之十行仍是自右

而左顧氏金石文
字記逆讀非是

義士河東安邑劉政元方千

義士侯褒衣憲五百

義士穎川臧就元就五百

義士安平邳博季長二百

右四行
第四層

右曹全碑并陰牛氏金石圖云高五尺二寸濶二

尺六寸在邵陽縣孔子廟東掖門內西向碑出於

明萬歷中邵陽之莘里村方氏曰相傳石厓崩而

碑出也趙氏石墨鐫華云萬歷初邵陽舊城掘得

之莘里村即邵陽舊城也

碑以宛為吃而宛豫之宛仍作宛又以瘠為癘以

斐為妃以七為匕以暈為量以裊懷皆為懷

碑初出時止缺一因字後乃中有斷裂又後乃乾

字中曰有穿連之直畫矣今日得乾字未穿者為

舊本也又中間咸曰君哉咸字咸內口上一畫是

巒曲倒折之華今石泐而其旁一小直畫不可見

遂成二小橫畫矣自陳香泉姜白蒲臨本皆已失

之顧氏隸辨亦誤

戰字威字皆闕末華此與碑陰人名僅存一二字

又秦尚孔都下有二字而無千百等字皆似書丹時偶然空闕不能臆為之說矣

竹垞今漢隸為三種虛身亦以是碑與華岳婁壽分為三種自後學平心論之漢隸各有妙境殊不必尔也顧寧人以遂為遴蓋出偶然審視之誤至巴郡胸忍令則胸忍縣名載於後漢書郡國志巴郡條下其文無異而顧氏以為別體字則不可解矣

校官碑

校官之碑四字隸額洪氏隸釋作溧陽長潘乾校官碑

蓋漢三百八十有七載□□□于□□□□銘功著

斯金石其誅曰溧陽長潘君諱乾字元卓陳國長平

人蓋楚太傅潘崇之末緒也君稟資南□之神□□

□德之絕操髭髦克敏□學典謨祖講詩易剖演奧

藝□覽百家衆推挈聖抱不測之謀秉高世之介屈

私趨公即仕佐上郡位既重孔武剋著疾惡義形從

風征暴執訊獲首除曲阿尉禽姦彘猾冠息善歡履

菰竹之廉蹈公儀之絜察廉除茲初厲清肅賦仁義

之風脩□□之迹垂化放虐岐周流愛雙虐□□親

取寶智進直退慝布政優優令儀令色獄無呼嗟之

目下九行

寬壑無叩匈之結於孤願老表孝貞節重義輕利制

戶六百省無正繇不賣自畢百姓心歡官不失實於

是遠人聆聲景附樂受一厚既來安之復役三年惟

泮宮之教反朱俗之禮構脩學宮宗懿招德既安且

寧干侯用張匱豆用陳發彼有的雅容

矣丐肯樂焉乃作叙曰翼翼聖慈惠我萃蒸貽我潘

君平茲溧陽彬文赴武扶弱抑彊

忠咨疑元老師取作勿脩學童冠琢質繡章寔天生

德有漢將興尚旦在昔我君存今

梁永屯支百民人所彰子子孫孫早介熾昌

丞沛國銍趙勲字募伯左尉河內汲董竝字公房右

尉豫章南昌程陽字孝遂

時將作吏名戶

戶曹史賀口

門下史吳翔門下史時球

光和四季十月己丑朔廿一日己酉造

右校官之碑牛氏金石圖云碑在溧水縣孔子廟

內南向高四尺濶二尺五寸厚四寸五分

單禧釋文一碑額正書漢校官碑釋文六字其釋

文下方識云漢校官碑宋紹興十一年溧水尉喻

仲遠得之固城湖濱置之官舍今在孔廟之大門
右長樂陳長方雖嘗碑其所得本末釋文則未之
見碑以靈帝光和四年歲在辛酉造距今凡一千
一百五十三年番陽洪景伯先生出字為之釋謂
挈為契輦為黎卑為俾楸為野賈為責剗去其刀
賢去其貝干侯與豸侯通尚且謂太公周公可謂
精審有據其餘不可辨者尚有二十七字今觀首
行自三百字以下止斯字凡十有六字比之洪氏
作釋文時又皆不可攷且如第三行之字之下是
禡字禡下闕一字有天字敏之上是克字衆之下

是儁字退之下是慝字役之上為復反之下為失
此之上為即皆隱隱可見洪則悉以為闕又如既
安且寧則以為呂寧梅檜則以為桓檜豈當時誤
于墨本而然耶溧陽志至謂元卓為元貞是又以
名軋而傳會也禧承乏于茲暇日與士友曹國傑
摩莎久之得其二三因以洪先生釋文列于上僭
附所見于其下勒諸樂石以補前脩之所偶未及
者餘尚俟博雅君子云至順四年龍在癸酉夏五
月文學掾濟陰單禧謹識按此文都元敬金薤琳
琅全載之都元敬跋云元至順四年校官單禧考

訂碑文與隸釋不同者二十七字近日杭州汪氏刻本金薤琳琅跋云單君謂洪氏所釋外不可辨者尚有二十七字即隸釋所注為闕者是也單君於洪氏所闕者得八字又異同者二字今南濠乃以二十七字皆為單禧所考定誤也方綱按單氏釋文即洪氏釋文然如以挈為契一句今日所行隸釋本竟無之首行于字下云闕四字今本乃誤作闕二字則單氏此碑猶得據以存洪氏原本耳若其所謂紹興十一年者則王象之碑目注引洪邁夷堅癸志作十三年而首行銘功功字則單亦沿洪之誤釋為工也稟資南口之下一字洪云闕單釋為禱今諦審是神字衆之下一字洪云闕單釋為儁汪氏新刻又以為儁今諦審是推字又弟三行單以為有天字十五行此字上單以為即汪以為服今諦審之皆未敢定也又若賦仁義之風下一字諸家皆闕今諦審是脩字既來安之下一字諸家皆闕今諦審是復字奧藝下闕一字諸家或釋為外今諦審之非外字也又呼嗟訛為吁嗟則單氏石本之誤也

校官碑者漢靈帝光和四年溧陽為其長潘君作

潘君自曲阿尉來宰溧陽興學官講賓射碑頌所
為作也碩氏金石文字記引雲麓漫鈔後漢永平
十年幸南陽祠舊宅禮畢召校官弟子作雅樂奏
鹿鳴則東漢時有校官矣此蓋信潘君之職為校
官也牛氏金石圖跋云予獨恠潘軋溧陽長而額
題曰校官碑莫考其官制所謂或其上當有斷文
此蓋疑潘君之職非校官也以愚論之二說皆非
也校官者學舍官職之統稱如漢書云某經列於
學官是也潘君之職自是縣宰後漢之時亦不聞
特設學校之官永平幸南陽所謂校官弟子者學
舍之弟子耳後漢書百官志每縣邑道大者置令
一人千石其次置長四百石小者置長三百石本
注曰皆掌治民顯善勸義禁姦罰惡理訟平賊恤
民時務然則縣宰之事不專在教而茲碑特頌其
興學之事故其石刻於學舍云尔都南濠又稱單
禧為校官殆亦同此誤者也又洪氏繇釋云費鳳
別碑與前碑今並列於吳興校官之鐸據此亦足
證校官二字是學舍之名非職官之名也

漢書循吏傳文翁修起學官於成都市中

師古曰
學官學

之官 舍也 招下縣子弟曰為學官弟子至武帝時乃令

天下郡國皆立學校官按此條即此碑校官二字
出處也

曲阜孔戶部誦孟云學典謨之上是志字賦仁義
之風下是脩達二字雅字下是式字今並存之誦
孟又云碑云漢三百八十有七載自漢高帝乙未
改元至光和四年辛酉數符然蔡邕獨斷言從高
帝至桓帝三百八十六年除王莽劉聖公三百六
十六年從高祖乙未至今壬子歲四百一十年呂
后王莽不入數可證計漢歷者不併入呂后王莽
聖公也是可疑矣愚按王莽合孺子嬰居攝凡十

七年合更始二年為十九年再合之呂后八年為
二十七年自高帝元年乙未至桓帝末年丁未凡
三百七十三年若於中除二十七年則是三百四
十六年矣安得云三百六十六年乎且壬子是靈
帝熹平元年自高帝乙未至此是三百七十八年
又安得云四百一十年而邕獨斷既云靈帝二十
二年董卓立陳留王為帝則是獨斷之書成於初
平時邕死於初平三年壬申上距熹平壬子已二
十年又不當以壬子為止也獨斷之紀漢年不可
據以為證明矣豈得轉因以疑是碑乎

都氏金薤琳琅云碑在今南畿溧水縣學蓋溧水即漢溧陽地也此與單氏跋謂在孔廟大門右者相合而玉象之輿地碑目建康府條下云溧陽長潘元卓碑後漢光和四年今在尉廳又云校官之碑後漢光和四年立今在縣圃既分二碑又在兩地則是圖經沿訛又不止單禧所辨溧陽志之誤而已

洪景伯繇釋在元時當有善本即此一碑單氏所引繇釋之文覺今日繇釋本不可信者實多如垂之為垂退之為退房之為房豈復煩於釋乎至若厲之為厲則碑本作厲與正楷何別而蔓之為蔓則又何待釋乎以愚論之蘭字非蔓字乃曼字也蓋曼衍之義於勲字為近而是碑菰藜皆从艸是以知之也取之為賢洪所未釋而繇續云說者謂校官碑親取寶智因蒙下文从省今按碑中取字凡兩見豈皆蒙上下文耶不待援騶氏鏡銘而後知其說之謬也

碑凡二十二行文在穿下正文十六行後人名五行年月一行人名之上列三行左右各空一行其下列五行左右亦各空一行蓋正文之末行與年

月一行皆止於半行也每行二十七字牛氏圖於首行誤伸下多一格耳其以前半叙事之文目曰誅而以後半有韻之文目曰叙亦變例也靈帝光和四年九月庚寅朔閏十月己丑朔此云十月己丑朔者閏十月也不言閏亦變例也

白石神君碑

篆額五字

一行陽文

蓋聞經國序民莫急於禮禮有五經莫重於祭祭有二義或祈或款款以章施祈以弭害古先哲王類帝禋宗望于山川徧于羣神建立地域脩設壇屏所以

昭孝息民輯寧上下也白石神君居九山之數叅三

條之壹兼將軍之號秉斧鉞之威體連封龍氣通北

嶽幽讚天地長育萬物觸石而出膚寸而合不終朝

日而澍雨沾洽前後國縣屢有祈請指日刻期應時

有驗目下五行猶自挹損不求禮秩縣界有六名山三公封龍

靈山先得法食去光和四年三公守民蓋高等始為

無極山詣太常求法食相縣目下七行以白石神君道德灼然

乃具載本末上尚書求依無極為比即見聽許於是

遂開拓舊地目下八行改立殿堂營宇既定禮秩有常縣出經

用脩其犧牲奉其圭璧繫其粢盛旨酒欣欣燔炙芬

芬敬恭明祀降福孔殷故天無伏陰地無魚鱉陽水無

沈呂下九行氣火無灾燁時無逆數物無害生用能光遠宣朗

顯融昭明年穀歲熟百姓豐盈粟斗五錢國界安寧呂下十行

余乃陟景山登崢嶸采元石勒功名其辭曰巖巖白呂下十一行另隔

石峻極太清皓皓素質因體為名惟山降神髦士挺空行提寫平格

生濟濟俊乂朝野克盈灾害不起呂下十二行五穀熟成乃依無

極聖朝見聽遂興靈宮于山之陽營宇之制是度是

量卜云其吉終然允臧匪奢匪儉率由舊章華殿清

閑肅雍顯相元圖靈像穆穆皇皇四時禋祀不愆不

忘擇其令辰進其馨香犧牲玉帛黍稷稻稂神降嘉

祉萬壽無疆子子孫孫永永蕃昌

光呂下十五行另隔一空行提寫平格和六年常山相南陽馮巡字季祖元氏令京地新

豐王翊字元輔長史穎川申屠熊丞河南李郃左尉呂下十六行

上郡白土樊瑋祠祀掾吳宜史解微石師王明

燕另行元璽三年正月十日主簿程奭守門傳白石將軍

教吾祠今日為火所燒

碑陰

主簿呂下是上層凡十二行卬音神道主簿郝幼幼高主簿郝尚文休主簿

文淵孔先主簿王合元先主簿卞全文業祭酒口礼

孝仁祭酒范日孔周祭酒張廣德林祭酒郭稚子碧

祭酒郭挈仲業都督趙略孔達主簿郝明孔休主簿

杜斐元達主簿馬靖文主簿韓南儒伯主簿觀

秦宏主簿李斐宗主簿當季元主簿郗志元恪

主簿張斐休武祭酒陳光長林主簿由季儒

碑陰上方四行此亦隸書與正文同出一手

務城神君錢二萬李女神義錢三萬礪石神君義錢

二萬鮮神君義錢一萬

碑陰下方正書此後人所題參差不計行數

重修都翁記

都惟張邠緒 賈吉張信 蘓進蘓吉

任方 吳方 裴順 劉讓

張义男張用各一貫為都三伯 共計一十口

李方 劉演 柳榮 康誠

王吉 王吉 董秀 李寧

杜旦 史秘 李新 安榮

□畢 □斌 □璘 □隆 □言

□□ 孫顯 李玉 張清

趙征 張能 李謙 任鐸

左付蘓家主都唯邠頭蘓琮男蘓誠蘓隆

孫五人婆婦伍个并長欲共十八口

廣化寺主

□僧惠具 伍伯

唯郇頭張志 蘓玉 蘓正

馮埶 安秀 蘓順 蘓則

東庄 李元 成政 成諫 李能

李□ 成□ □隆 麻新 李已

李海 李潤 成昌

右白石神君碑并陰牛氏金石圖云在元氏縣城內龍化寺後西向高五尺五寸濶二尺二寸厚四寸五分

洪氏隸釋引郡國志注云有石塞三公塞石塞即白石山也隸釋所載有三公山無極山二碑此則其後二年所立也河朔訪古記云元氏縣西北三十里封龍山下有漢刻白石神君碑是也是碑之為漢刻無可疑者其以為後人重刻特出洪氏之疑而吳山夫乃云後有燕元璽三年正月十日主簿某人刻字定其為重刻殊不知主簿下乃程疵二字其下亦非字字斯亦傳會之甚矣吳又辨粟斗五錢是斗非升以為書鏤之過不知石本實是升字並非升也又挹損挹字趙氏金石錄明釋作

挹而諸家皆訛作抱何也崢嶸即嶸字

碑末常山相馮址元氏令王翊二人稱名與字長
史申屠熊則稱名不稱字且在元氏令之後與三
公無極二碑不同蓋勒碑時固無一定之例特偶
有後先詳略耳即如三公無極二碑丞亦稱字而
是碑丞不稱字可見其不必畫一矣想洪氏所收
拓本必是裝界成冊而申屠熊之下恰空三格又
或裝潢者誤置在前因而誤以長史穎川申屠熊
七字接上季祖之文而又云其下闕三字也今驗
石本則並不如此又碑陰上方之末一行辟神君

辟字吳山夫誤作祥又以上句萬字貫之云萬祥
神君其誤亦坐裝標之失耳予嘗謂收藏古刻必
有其副而後可翦截裝潢正為此也又碑陰上層
第一行音上止闕一字再上是空石無字吳山夫
謂闕二字非

僖三十一年公羊傳山川有能潤于百里者天子
秩而祭之觸石而出膚寸而合不崇朝而徧雨乎
天下者唯太山尔據此傳文初無雲字唐人類書
引此乃加一雲字曰惟太山雲尔誤也何休注曰
言其觸石理而出無有膚寸而不合下文河海潤

于千里注曰亦能通氣致雨潤澤及于千里据此則所謂出合者山之氣為之也觀是碑上言幽讚長育下言澍雨沾洽信知公羊二語之不指雲矣碑正文十六行行三十五字中空二行後有燕元璽三年題字一行碑陰正文十二行行二列其首行止上列無下列碑陰上方別起四行為一列也其下半別有楷書人名則後人所題其云都者河朔訪古記云縣西有八都神壇八都者總望八山而祭于此當即此都字之義而其書則廟令之徒為之尔務城礪石盖皆其地名務疑即務字嚙務

山名音權髦在柏鄉縣南

吳山夫因洪說而傳會謂其文併非漢文其言固謬然洪說亦非也是碑書法專主於方整在漢隸中為最潔齊者然風骨遒勁似猶在按官碑隸法之上不得以其近似六朝唐人而概疑之至於慕容前燕元璽甲寅之歲上距斯碑之立已百七十年而小隸之筆未必出於文人鉅卿乃亦能遒勁如此是可寶已

三公山碑

無額 此碑每行之字參差不一是以如其式圍之

不初凶帝常凶相隴司馮君到官承饑衰出後口惟三公御語凶三條以神迺在領司吏民禱祀興雲

膏才徧雨凶維遭離羌寇蝗旱高我民涖遭豷醮祠帝罕林奠瓦天由是出來和氣出臻乃來遭更本視與原既三公息廣

其靈尤神處幽道艱存出者難一擇吉与怡東澳凶起堂立壇雙闕夾門慶牲納禮既寧其神神嘉

其位日雨屢降報如景饗國界大豐穀升三錢民

無戾苦永保其帝岳史魯國顏四五官掾閣裕戶曹

史紀受將昨掾王蒲元氏令第匪丞吳音廷掾

郭憐戶曹史翟福工宋高等刊石紀焉

錢唐黃小松易以是碑拓本見寄小松跋云乾隆

甲午三通館方輯金石略長吏按古碑上之

朝關西王君宰元氏得此刻在城外野坡石高四

尺二寸廣二尺字泐幾不可辨吳興楊君鶴洲詫

其奇命余辨識得一百九十字闕疑六字知為漢

口初四年祀三公山文書法勁古與開母少室諸

篆刻相類是東漢中葉書集古金石二錄有漢三

公山碑乃隸書立於光和四年今不存此刻在隸

碑之前尤可貴也

丙申夏錢唐黃君易以三公山碑拓本見寄按其


文略云口初四年常山相隴西馮君到官承饑衰
之後吏民禱祀興雲徧雨乃起堂立壇薦牲納禮
國界大豐穀斗三錢民無疾苦長史魯國顏五
官掾閻裕戶曹史紀受將作掾王蒯元氏令茅佳
丞吳音廷掾郭洪戶曹史翟福工宋高等刊石紀
焉此與洪氏隸釋所載光和四年三公山碑不同
光和碑云常山相南陽馮處字季祖此則云隴西
馮君又其長史令丞之名皆與此不同知非一時
所立也碑首惟初字可辨杭人趙晉齋魏跋此謂
通鑑永初二年先零羌寇河內詔常山作塢堠以
禦寇云云然此是後漢書西羌傳之文在五年春
非二年也碑首初字之上隱隱尚露其下半諦視
是元字馮君到官承蝗旱之後乃是安帝改元元
初四年丁巳之歲下距光和辛酉乃有六十五年
之遠以此知隴西馮君與南陽馮君非一人明矣
趙君又謂嵩山秦室石闕銘作于元初四年此刻
當與同篆同時按嵩山秦室石闕銘乃元初五年
非四年而此刻雖是篆書乃是由篆入隸之漸減
篆之縈折為隸之逕直又不必以嵩山石闕為徵
者矣碑中有三條云云與白石神君碑同三條云

者當是茲山之實事而今莫可攷矣趙氏金石錄云三條莫曉何語此自是闕疑之義而洪氏乃引尚書正義北條南條中條之說以實之近人刻金石錄者又以為崇飾之辭皆非也

河朔訪古記云三公神廟在元氏縣西北三十里封龍山下胸曰天台三公之廟廟有漢三公山碑一通縣西故城西門外八都神壇亦有三公山碑一通漢光和四年常山相馮公所立按此所謂廟有漢三公山碑一通者即此碑也

碑凡十行每行字數參差不齊字勢長短不一錯落古勁是兼篆之古隸也光和三公之碑今已不存而此石巋然獨完豈非幸歟

碑以囟為四領為嶺瓦為不農為薦禮為醴烹為喜徧省其才庚省其之趙君云文中三公之下疑是御字愚按三條下疑是別字醮祠下是希罕口奠四字三錢上是斗字非升字又第三行離字之左半第七行屬字之下半兼帶行艸之勢是篆隸所絕無者



兩漢金石記卷第十二

曰講起居注官文淵閣直閣事詹事府詹事兼翰林院侍讀學士興翁綱

漢故穀城長蕩陰令張君表頌

篆額二行
二字

君諱遷字公方陳留己吾人也君出先出自有周周

宣王中興有張仲以孝友為行披覽詩雅煥知其祖

高帝寵興有張良善用薦帶在帷幕出內決勝負千

里出外析珪於留文景出間有張釋出建忠弼出謨

帝遊上林問禽狩所有苑令不對更問畜夫畜夫事

對於是進畜夫為令令退為畜夫釋出議為不可苑

令有公卿出才臣下四行夫喋喋小吏非社稷出重上從言

孝武時有張騫廣通風俗開定畿寓南苞八繚西羈

六戎北震五狄東勤臣下五行九夷荒遠既殞各貢所有張是

輔漢世載其德爰既且於君臣下六行蓋其纏纏續戎鴻緒牧

守相係不殞高問孝弟於家中臣下七行嘗於朝治京氏易駘

麗擢略藝於從畋少為郡吏隱練職位常在股肱數

為逆事聲無細聞徵拜郎中除臣下八行城長蠶月出務不

閑四門騰正出臣下九行憐休囚歸賀八月英民不煩於鄉隨

就臣下十行霍落孝恤高丰路無拾遺犁種宿聖黃巾初起燒

平城市斯縣獨企子賤孔萇其道區別尚書五教君

崇其寬詩云愷悌君隆其恩東里潤色君垂其仁邵

伯分陝君懿于棠晉陽珮瑋西門帶弦君之體素能

雙其勛流化八基遷蕩陰令吏民頡頏隨送如雲周臣下十一行

公東延西人怨思奚斯讚魯考父頌殷前喆遺芳有

功不書後無述焉於是刊石豎表銘勒萬載三代以臣下十二行

來臣下十三行雖遠猶近詩云舊國其命惟新於穆我君既毅既

純雪白之性孝友之仁紀行來本蘭生有芬克岐有臣下十四行

地綏御有勛利器不覲魚不出淵國之良榦垂愛在

民幣沛棠樹溫溫恭人乾道不繇唯淋是親既多受臣下十五行

祉永享南山千祿无疆子子孫孫臣下十六行惟中平三年歲

在攝提二月震節紀日上旬陽氣厥杝感恩舊君故
吏韋萌等僉然同聲僨師孫興刊石立表以以示後昆
共享天祚億載萬年

碑陰

以上列十九行

故安國長韋种玲錢五百故從事韋少玉錢五百故

從事韋元雅錢五百故從事韋元景錢五百故從事

韋世節錢五百故守令韋种遠錢五百故守令范伯

犀故吏韋金石錢二口故督郵范齊公錢五百故吏

范文宗錢千故吏范世節錢八百故吏韋府卿錢七

百故吏范季考錢七百故吏韋伯臺錢八百故吏范

德寶錢八百故吏韋公儁錢五百故吏范定國錢七

以下中列十九行

百故吏韋閏德錢五百故吏孫升高錢五百故吏韋

公遵錢七百故吏韋排山錢四百故吏范巨錢四百

故吏韋義才錢四百故吏韋輔節錢四百故吏韋元

緒錢四百故吏韋客人錢四百故從事原宣德錢三

百故吏韋公明錢三百故吏范成錢三百故吏韋輔

世錢三百故吏范國方錢三百故吏韋伯善錢三百

故吏范奉祖錢三百故吏韋德齡故吏范利德錢三

目下下列三行

百故吏韋武章故吏騶种羲故吏韋宣錢三百故吏

韋孟光錢五百故吏韋孟平錢三百故守令韋元考

錢五百

右張遷碑并陰牛氏金石圖云高六尺三寸濶二尺六寸厚五寸在東平州學明倫堂前南向

碑額二行居碑文第八行至第十三行之間蓋碑文偏右而空其左也碑文十五行而十三行後空一行方接第十四行也每行四十二字其陰三列上中皆每列十九行下列三行而止其正文第十四行末刊石立表句表字之旁又刻衣字邵陽褚峻千峯云嘗見舊搨本無此牛氏圖據此說以謂此半表字殆後人所刻方綱按此半字實是原石

所有褚氏牛氏之說非也其碑陰下列無字處之

末尾有楷書付訖二字此則後人妄鑿非原碑也碑以芾爲策狩爲獸稷爲稷羅爲羈殯爲賓是爲氏中爲忠瑋即韋因佩而加玉也雖从虫今乃从呂與言相似隸之小變也祚即祚變示从禾漸開後人行楷之假借矣集韻纏即纏字連陵延切纏縷不解也此蓋以爲纏聯字也顧云美釋羅爲羅釋來爲來羅固非羅字來亦恐非來字

徵拜下以舊拓本諦審是郎中字存恤高年年字則據都南濠本如此今以舊拓諦審尚未能定也

子賤孔蔑其道區別蔑下闕處今石本尚隱露四
邊是其字都南濠誤以為空二格吳山夫乃据都
本以為蔑下其上又闕一字者非也

曲且桂未谷

馥

曰碑去臆正之儼休囚歸賀都氏

金瑾琳瑯釋儼為際案儼字不見於書儼即祭之
異文隸書偏傍隨意增減如孫种教碑以淥為泉

孟郁脩堯廟碑以欄為闌此類不可枚舉

方綱按本碑內

以瑋為韋是也無須它引

小尔疋蔡法也尚書禹貢二百里蔡

鄭康成注蔡之言殺滅殺其賦春秋左氏傳周公
殺管赫而蔡蔡种注蔡放也釋文云上蔡字說許

作粲玉篇云粲書作蔡字漢書宣帝紀元康三年

詔骨肉之親粲而不殊昌邑王傳作析而不殊吳

仁傑曰粲當作粲說文粲散之也散與析同義此

碑盖謂張君治穀城末滅獄訟省刑釋囚故下文

云尚書五教君崇其寬詩云愷悌君隆其恩是則

儼之為蔡無可疑者都氏何据而釋為際邪方綱

按桂君此條甚辨故採之又嘉定錢辛楣

大昕云

八月箕人見後漢書皇后紀碑云八月箕民不煩

于鄉箕作其盖省文而都氏釋作其頤氏釋作菓

皆誤也惟碑云爰既且于君辛楣謂詳其文義言

後有興者且於君也此說頗似牽強而顧寧人謂
既且二字是暨之誤因執此以疑碑出摹刻致茲
訛謬愚按二家之說皆為過當爰既且三字自當
闕疑牛真谷云是碑點畫之借摹刻之訛此謂當
日上石為摹刻非謂
後來重摹益足徵古文之簡易疎濶雖善贗者
不能倣其謬而好事者廼執此以為依託之券驗
不亦悖乎愚獨許此說為近是

吳山夫云藝於從政諸家皆作從畋非也此盖用
魯論求也藝於從政乎何有句政字左畔微有損
壞遂與畋字疑似愚按此說於文義極通然恐吳
氏所藏本此字紙墨壞耳今以精拓之本與舊拓
本相對諦審明白是畋字並非政字左畔因損而
疑似也然吳氏之說頗有理以此推之則是碑撰
文之人未必即書石之人想東漢時能書胥史之
類固不乏人竟似草藁審視未明而茫然下筆者
如此則爰之為暨之為既且以及來字之類或
皆誤筆未可執一以論矣

碑云治京氏易而朱竹垞經義攷承師門以歐趙
洪氏所弗錄遂不之及也愚已載入經義考補正
卷中

碑合表頌僅五百言而其叙張氏先世事乃至三之一亦似太煩此固不可以入潘昂霄王止仲之例者矣頌文無頌曰字而碑尾紀年月後又若頌詞者則是文與書皆不可以常格論尔

碑陰玲即玲字吳山夫作玲非也故守令范伯犀故吏韋德榮韋武章騶補義此四行下原石皆無字吳山夫皆謂闕三字又於韋武章下多出錢字皆非也其上列第二人亦姓韋但其名二字不可識凡韋氏者二十六人吳山夫云廿五人亦非也汜定國錢七百韋孟平錢三百牛氏金石圖皆訛作五百

方綱奉使江西廣東往返四過東平而不得一觀是碑已亥秋奉使往江寧歸途於十月二日曉發

東平入州學獲觀是碑碑在明倫堂西階下軌亭

覆焉頂圓下無龜趺中無穿

牛氏圖碑之四角有
躡透之今甄砌不見

表字之下空處至地尚餘三寸五分東里二字已缺東字止存右上一角里字全缺潤字止餘下半石質蒼黝而不細膩然視江寧天璽碑則蒼古過之在江寧時汪君庸夫持舊搨殘本來謂今碑是重刻予以今本對之實是一石豈以其無穿疑為

重刻乎必因顧寧人之語傳會為之耳既得親見
原石作歌記之是冬還都而揚州羅兩峰以所藏
舊拓本見贈併為子繪觀碑圖云

漢故衛尉卿衡府君之碑

隸額黑字十字分二行二行之中有黑線一條牛
氏金石圖作中間雙線者誤也漢字作州頭
歐陽集古錄作衡方碑趙氏金石錄作衛尉卿衡
方碑洪氏隸釋作衛尉衡方碑

府君諱方字興祖肇先盖堯之皇行苗本姓皇行則有伊

尹在殷之世號稱阿衡因而氏焉據洪土家于平

陸君之烈祖少皇行儒術安貧樂道履諛顏原兼脩季

由聞斯行諸砭仁癘據洪土階夷愍之貢經常

伯之賔位左馮翊先帝所尊名竹帛考廬江太守

兄癘門太守皇四行孝長發其祥誕降于君天資純

慤昭前之美少皇五行呂文塞穀厖允元長呂欽明耽詩悅

書皇六行秋仕郡辟州舉孝廉除郎中即工侯相膠

東令遵尹鐸之導保鄣二城桑國起按斑叙皇七行

本肇末化速邾圍州舉尤異遷會稽東部都尉將繼

南仲邵庸之軌飛翼軫之旌操衆皇七行綏來王之

蠻會喪太夫人感背人之凱風悼慕儀之劬勞廡閣

苦據洪仍留上言倍滯向哀世壽皆據洪扎服祥除澂拜議郎右北

平大守尋李廣之在邊據洪恢魏絳之和戎戎戢土佚費

此四字皆据洪氏本
省巨億懷目下九行靜有績遷穎川大守脩清條信

招拔隱逸目下九行光大茅茹國外浮談淡界縲動氣泄据洪狂

京地尹舊都餘化詩人所詠並有亡新君目下九行

隆寬慄鶉火光物隕霜剿姦振滯据洪起舊存亡繼絕恩

降乾太威肅剝比本朝錄功入登衛目下九行翼紫宮夙

夜惟寅禕隋左公有單襄穆典謨之風詔選賢良招

先逸民君務左寬共順其文舉已目下九行從政者退就勅巾

永康之末君衛孝桓建寧初政朝用舊臣留拜步兵

校尉處六師之陟維目下九行時假階將授緄職受任浹旬庵

離牖疾年六十有三建寧元年二月五日癸丑卒詔

遣使目下九行弔賻禮百賔臨會莫不共聲其年九月十

七日辛酉塋蓋雅頌興而清廟肅中庸起而祖宗据洪

故仲尼既歿諸子綴論斯干作歌用昭于宣誦目下九行呂旌

德銘呂勒勲於海內門生故吏目下九行采嘉石樹

靈碑鐫茂伐祕將來其辭曰峨峨我君懿烈孔純高

朗神武歷世忠孝馮隆鴻軌不忝前人寬猛不主德

義是經韜綜頌据洪温故前呈搢英接香踵迹晏平初

據百里顯据洪令聞濟康下民曜武南會邊民是鎮惟

憂及退身眾議帝室刻苻守藩北靖目下九行下有

九

有聲旋守中據漢鬱幽滯呂榮邁種舊京邑下□□□

澤戴仁□□彼寧刻長刻君不莫不陽維明維允耀

此聲香能慙能惠刻亮天功入統據漢□□剗剗皇言撰撰撰光光法

言稽古道而後行競競業業素絲羔羊閭閻侃侃顯

顯昂昂據漢蹈規履契金玉其相據漢譽譽王臣羣公憲章樂

旨君子□□无彊銘勒金石□□□□問□□萬

世是傳碑門生撰平原樂陵朱登字仲希書

右漢故衛尉卿衡府君碑牛氏金石圖云碑在汶

上縣西南十五里平原郭家樓前南向雍正八年

汶水泛決碑陷卧土人出貲重建立焉碑高入尺

濶三尺厚七寸

額下有穿穿下即碑文也文凡二十三行行三十

六字銘文提格另起銘文之末又另起一碑字此

碑字下分二行門生平原樂陵朱登字仲希書此

是書人姓名附系於碑末而其另起一碑字既不

提行又不多空格是以人多見其泐而忽之耳

碑立於靈帝建寧元年九月趙氏金石錄以為三

年二月顧氏金石文字記以為三年六月皆非也

背人背字毛詩譜云自紂城而北謂之邶字又作

邶碑省下作背即邶字也至於蓼莪之為藜儀則

古字莪儀相通此亦其一證趙氏金石錄以爲漢人師傳有異同亦不然也

階夷愍句上土字是士非土也賓即寮字攪即攬字也苦由仍下是留字君務在下是寬字今尚皆隱隱可辨洪以爲闕者亦拓本偶不見耳

同年盧抱經云碑云階夷愍之貢經常伯之賓謂其以孝廉察舉而爲郎中也夷謂伯夷愍謂閔子古閔愍通用如春秋諸侯之謚閔者亦作愍也碑云魯國起按本之齊語本肇末上缺一字必塹字也君務在□失失上一字洪云缺字頗似賓字其

失字剝泐乃英字非失也時詔書令選賢良務先逸民而衡君欲舉其賓之賢者又欲順詔書之文故下云已從政者退從勅巾蓋令其棄官而就舉也予按此說亦有理但以石本泐痕驗之不似英字則賓字亦未敢定姑附存其說于此

末行小字洪氏以爲即采石鐫碑之門生也附綴文後此又一體例也

是碑書體寬綽而濶密處不甚留隙地似開後來顏魯公正書之漸矣然予嘗以每行今翦微空一線之隙裝之則每字相接並不嫌於緊密蓋其書

勢在景君鄭固二碑間也

尹宙碑

額殘缺止餘
山夫金石文存曰篆額二行今但存其下從銘二
字君歷官至從事而卒疑其額必題漢故某州從
事尹府君銘十字今其上八字破壞不存故搨工
但傳其下二字也方網按顧氏金石文字記以其
穎川人而言本州知其為豫州也蓋其額當云漢
故豫州從事尹君之銘或曰尹君碑銘未可定也
碩氏金石文字記作豫州從事尹宙碑吳山夫金
石文存作漢從事尹宙碑蓋諸家皆未嘗見元皇慶三
尾作州從事尹宙碑蓋諸家皆未嘗見元皇慶三
年一碑耳今
附載于後

君諱宙字周南其先出自有段迺迺于周也作師尹

赫赫之盛曰以為氏吉甫相周宣勛乃有章文則作

頌武襄獫狁二子著詩列于風雅及其子孫言多

事景王載在史典秦兼天下侵暴大揜支判涑僂或

居三川早四行或徙趙地漢興以三川為穎川分趙地為鉅

鹿故子心騰於楊縣早五行致位執金吾子孫以銀艾相繼

在穎川者家于雋陵克續祖業牧守相亞君東平相

之玄會稽太守之曾富波集相之孫守長社令之元

子也君體溫良恭儉之德早七行薦親於九族恂恂于鄉黨

交朋會友貞賢是與治公羊春秋經博通書傳仕郡

歷主簿督郵五官掾功曹守昆陽令州辟從事立朝

正色進思盡忠舉衡以處事清身以厲時高位不以

為榮卑官皇十行不以為恥含純履軌秉心惟常京夏歸德

宰司嘉焉季六十有二遭離皇十行寢疾熹平六年四月己

卯卒於是論功叙實宜勒金石皇十二行提馬平格迺作銘曰於鑠明德

于我尹君龜銀之冑弁也載勛緇紀本朝優劣殊分

守攝百里遺愛在民佐翼牧伯諸夏肅震當漸鴻羽

為漢輔臣位不福皇十四行勉壽不隨仁景命不永早即幽昏

名光來也萬祀不泯

右從事尹宙碑牛氏金石圖云碑高六尺濶二尺

八寸厚六寸在鄢陵縣孔子廟戟門前南向

碑文在穿下文十四行行二十七字

碑立於熹平六年四月頌氏金石文字記以為四

年誤

頌氏又云豫字磨滅今按文內無此字不知何以

云豫字磨滅也

碑以僊為遷以僞為鄢以穎為穎勛力有章句驗

石是力字諸家並作功誤也頌氏文字記又以僊

作僊又抄寫之訛

鉅鑿郡鑿字廣韻注云案漢書只作鹿是漢書省

作鹿非鑿之加金也頌氏所校刊廣韻本亦如此

碑字較諸碑稍大而冲和有度正與孔宙碑可同

翫之牛氏固跋稱為金石文二宙良非虛品

附錄

忠顯校尉汴梁路鄆陵縣達魯花赤兼管本縣諸軍奧魯勸農事阿八赤自皇慶元年正月二十有四日下車莅事欽奉詔書追封孔子爲大成至聖文宣王立石類官所以彰聖恩重名教也公回物色碑材得片石于隋川蓋東漢熹平六年故豫州從事尹君諱宙者之碑也公捐已俸購石輦來鄆頻命匠刮磨將舍舊而新之既而幡然改曰碑歷一千二百餘年故物舉一廢一有所弗忍遂議更以新石併舊石附立廟廡于以見公好古尚賢成此美事鄆之士民咸頌公德爲之辭曰仁哉忠顯治績在鄆事師古始德崇哲先更新修廢二美得全寫之琬琰以永其傳皇慶三年春正月望日立石鄆陵縣儒學教諭李警撰古隋歲寒野人王克讓書丹

按是碑記重立尹宙碑事明言其爲豫州從事可見元皇慶移置學宮時其額尚完也

漢循吏故聞憲長韓仁銘

篆額十字
行

熹平四年十一月甲子朔廿二日乙酉司隸以下泐闕

河南尹校尉空閭典統非任素無績勲宣善

仁前在閩熹經國呂禮刑政得中有子產君子

尉表上遷槐里令除書未到流牽短命嗟身為

祀則祀之玉制之禮也書到郡遣吏呂少牢祠+

勤異行勳厲清惠呂於其羨豎石訖成表言如律

十一月廿二日人酉河南尹君丞熹謂京寫

墳道頭訖成表言會月廿日如律令

此碑出京索間左氏傳京城太社之地滎陽令李

侯輔之行縣發地得之字畫宛然頗類劉寬碑書

也韓仁漢循吏蚤卒不見於史而見於此非不幸

也李侯亦能吏天其或者為李侯出耶抑偶然耶

夫物之顯晦有昔猶士之遇不遇也向使此碑不

遇李侯埋沒於荒煙艸棘中得為礎為缸足矣吾

聞君子之道闇然而日彰然自古賢達埋光鏹采

堙滅無聞亦何可勝數抑有時而不幸也後千百

歲陵谷變易獨此碑尚存李侯之名託此呂不朽

亦未可知也正大五年十一月廿一日翰林學士

趙秉文題

兩漢重循吏而韓君之名不見于史則知班范所

載遺逸者尚多此碑又復埋沒于荒榛斷壟中閱
千載而人不識是重不幸也及吾友輔之條拂蘚
□勺而樹之然後大顯于世其冥二之中亦伸于
知己者耶輔之疎朗英偉初非百里才也乃能不
目一邑為卑留心政事急吏緩民霽然有及物之
意行見□□□□□揚□□其功名事業必將著
金石而光簡冊蓋不待附見于此然則二君皆不
朽人也無疑趙郡李獻能

正大六年八月日奉政大夫滎陽縣令李天翼再立石

監立石司吏董□石匠王福

右漢聞熹長韓仁銘牛氏金石圖曰在滎陽縣署
東角門東側西向高六尺濶三尺厚六寸五分篆
額額下有穿碑凡八行行存十八九字下半泐闕
後有金哀宗正大五年翰林學士趙秉文及趙郡
李獻能二跋并滎陽令李天翼題重立歲月及立
石吏石匠姓名趙跋四行八分書李跋三行李題
一行吏匠姓名一行皆正書

碑額大書漢循吏表其賢也吳山夫云額稱韓仁
銘而碑無銘辭牛階平云銘者論譔其德善而明
著之者也刊石以名仁之美斯銘稱焉雖文辭不

叶於聲詩固無害其為銘也愚按牛說是也
碑以熹為喜流為不扭為短窄為牢牽為幸王任
中皆加二小畫皆隸之通變也
碑自歐趙洪婁以來皆不著于錄吳山夫謂劉太
乙續金石錄始載之至牛空山始為摹圖而失摹
李欽神跋今日拓本則二跋皆有泐字矣
碑額十字長短隨勢為之王虛舟謂不規規就方
整故行間茂密是也此與張遷碑額皆漢隸之寂
得勢者

張壽碑

吳山夫金石文存云隸額漢竹邑侯相張君之碑
十字予所藏是碑無此額牛氏金石圖亦無此額
恐吳氏是據洪釋本耳然牛氏亦不言額失蓋牛
氏之書未嘗以洪釋細核也
又按是碑下泐不可知其多少是以依其石勢圖
之

君諱壽字仲吾其先蓋晉大夫張

孝友恭懿明允薦信□□經□習父

匡國達賢登善濟可登斑叙優能正

謁者贊衛王臺婁忠謇上嘉其節仍

相明德慎罰
遭江楊剡賊上

自菲薄儲侍
所留并官相

稼書滋殖國
聿豐穰皤白

樂化戶口增

殷功刊王府將

過晉郵周紘

君常懷色斯舍

駱驛要請君

固執不顧民無

覲席視不折

造府進退以

五月辛酉卒

夫積滄純固者

石樹碑式昭

曰

亮元德於我

體懿純超三

賦牧邦畿黎烝殷冏荒饑感良臣

彌闡垂令紀永不刊于肯德深後昆

右漢故竹邑侯相張壽碑牛氏金石圖云碑在城

武縣孔子廟內陷戟門東壁而砌置之濶三尺高

二尺方綱按此指今所存殘碑言之耳蓋碑於何

時為後人截作碑趺而穴其中成凹凡壞四十字

碑凡十六行以洪氏隸續所載全文度之每行當

有三十八字今上半至泐處每行僅存十四五字

則後人之截為碑趺者必是取其石之正方而用

之就今拓本趺眼居中上下左右皆正相等則其

上久已無額可知即竹垞亦稱殘碑可證也牛氏

乃以為下截辱為碑趺尤誤

洪氏載是碑全文凡五百四十二字外又闕十四

字今之存者一百八十字而已碑云敦悅經雅習
父東光君業蓋世傳詩學者又云舉孝廉除郎中
給事謁者遷竹邑侯相罷復為從事辟司徒府年
八十建寧元年五月辛酉卒此其大略也洪氏所
錄全文今不具贅碑以班為班字此洪氏所未舉
者以婁為屢則漢書多有之

碑字淳古與孔龔碑相類牛氏擬以白石神君碑
謂開魏隸之法然是碑隸法實在白石神君碑之
上也

唐公房碑

歐陽集古錄作公昉碑趙氏金石錄作仙人唐君
碑洪氏隸釋作仙人唐公房碑篆額云仙人唐
君之碑六字在碑額之偏右其篆字今二行君字
在次行之首据隸續是君字今不可辨矣其第一
行第三字篆書唐字甚分明今隸續刻本誤
方綱按是碑今所存字更少於洪氏是以今所存
者與洪所錄者各別為一
圖不比他碑所書之例

上陟皇耀統
浮命壽無
王公之尊四海之富

毛天地之性斯其至貴者也耆老相傳以為王葵居攝二季君為郡吏

土域啖瓜
真人左右莫察而君獨進美瓜又從而敬禮之真人者

山上
君神藥曰服藥以後當移意萬里知
獸言語是時府

七百
往徠
景即至闔郡驚為白之府君徙為御史

具□□□□為□□賢□之視其腹中果有被具府君□賓燕欲從學道□
頃無所進□□尉部史收□□子公房乃先歸於谷口呼其師告以□□

之歸以□□子□□□妻子孿家不忍□又曰豈欲得家□□

屋柱飲牛馬空魚須更有大風元雲來迎□□

然與之俱去昔高松崔白皆一身得道□公所舉家俱□□

曰者□□派自世故使智鄉春夏夏蚊□秋冬□繁霜爛蠱不遐□□

收入天下莫斯德祐之效也道年羣仙德潤故鄉知德者鮮歷世莫紀□□

郭君諱芝字公載脩北辰之政馳周邵之□歡樂唐君神靈之美□□

德厚者廟尊乃發嘉教躬捐奉錢倡率羣義繕廣斯廟□□

君靈□□辭曰□□

浮雲□□

以上今存拓本如此

以下洪氏隸釋本

君字公房成固人蓋帝堯之字關十之故能舉家字關五

去上陟皇耀統御陰陽騰清躡浮命壽無疆雖王公

之尊四海之富曾字關五毛天地之性斯其至貴者也

耆老相傳以為丕葵居攝二季君為郡吏字關四土域

啖瓜旁有真人左右莫察而君獨進美瓜又從而敬

禮之真人者遂與關期智谷口山上乃與君神藥曰

服藥以後當移意萬里知鳥獸言語是時府在西成

去家七百餘里休謁徃徠轉景即至闔郡驚焉白之
府君徙為御史聳留輒車被具君乃畫地為獄召賢
誅之視其腹中果有被具府君闕賓燕欲從學道公
房頃無所進府君怒勅尉部吏收公房妻子公房乃
先歸於谷口呼其師告以凡急其師與之歸以藥飲
公房妻子曰可去矣妻子孿家不忍去又曰豈欲得
家俱去乎妻子曰固所願也於是乃以藥塗屋柱飲
牛馬六畜須臾有大風元雲來迎公房妻子屋宅六
畜脩然與之俱去昔高松崔白皆一身得道而公房
舉家俱濟盛矣傳曰賢者所存澤流百世故使智鄉
春夏毋蚊蚋秋冬鮮繁霜厲蠱不遐去其螟蟻百穀
收入天下莫知斯德祐之效也道牟羣仙德潤故鄉
知德者鮮歷世莫紀

漢中大守南陽郭君諱芝字公載脩北辰之政馳周
邵之風歌樂唐君神靈之美以為道重者名邵德厚
者廟尊乃發嘉教躬損奉錢倡率羣義繕廣斯廟闕
和祈福布之地民刻石昭音揚君靈譽其辭曰

上闕

遂享神藥超浮雲兮翺

下闕

碑陰

額暈三重內有八兮書數行隱隱略辨公房二字又

其右下露一山字餘皆泐不可見

以前數行皆不可見

掾南

本南鄭

州事

處本南鄭祝恒字仲

處本南 祝朗字德

處本南鄭祝崇字季華

大守史南鄭祝榮字文華

大 史南鄭趙英字彦平

處本南 下通字海

故 中 下趙忠字元楚

以上今存拓本如此

以下洪氏隸釋本

故江陽守長成固楊晏字平仲東部督郵成固左丞

字元術故江陽守長南鄭楊銀字伯慎處士南鄭祝

龜字元靈司徒掾南鄭祝揚字孔達處士南鄭祝岱

字子舉故益州從事南鄭祝忱字子文處士南鄭祝

恒字仲舉處士南鄭祝朗字德靈處士南鄭祝崇字

季舉大守史南鄭祝榮字文華大守史南鄭趙英字

尹才處士南鄭劉通字海闕故襄中守尉南鄭趙忠

字元楚闕二南鄭楊鳳字孔鸞

右唐公房碑在今陝西漢中府城固縣西北三十里碑無年月可考隸續云圭首偏右其內有暈一重又兩重在其左暈下脚去穿頗遠穿下即刻文所存者十七行行三十一字其後石已裂碑陰一橫十五人方網按今所存字與洪氏所見十七行行三十一字者同惟第一行僅存故能二字末行僅存浮雲二字中間略可辨者尚有三百字惟弟十三行隸釋云天下莫知今諦視石本實無知字

洪氏殆以文義度之增入知字耳此蓋原刻之誤失也又按此穿上距圭首之暈雖遠而下逼文之弟九十一凡三行之首各損其一字又城皆作成此皆洪氏所未及而碑陰額間之字洪氏亦未言也

又按歐陽集古錄謂不載其姓蓋歐陽公未見此碑額耳唐公房祠見於水經注華陽國志諸書隸續所引後漢書志即華陽國志文也

益州刺史李君神祠碑

其上無額惟於碑前題二行云故宛今益州刺史南郡襄陽李祕可調字孟初神祠之碑隸書字倍

大於後文是漢碑之式所僅見者其穿在文中亦與他碑式異故為圖以著之

故宛令益州刺史南郡襄陽太守

以下闕不可計

字孟初神祠之碑

君□舉孝廉除補郎中

以下闕不可計

史卒官□故吏民追思德化

以下闕

更訊治立碑復祠下

以下闕

垣宇樹

木皆不_レ令□不□女守

以下闕

中大人

共案文□□□□□文

以下闕

永興二

季_一六月己亥月十日

部勸農賊捕掾李龍南部游文

以下闕

屋有守祠義民今聽復無

以下闕

時令琅邪開陽貴君諱戍字

以下闕

伯□□□戍

以下闕

河南雒陽虞衍字元博

以下闕

仲□□□漢海

以下闕

掾吳定尉□功曹史□伯□□時

夫劉俊補艾佐□□放

以下闕

戶□□□伯□史在□元舉□□

賊捕掾李龍升高□□京甫

以下闕

功實史在治□□□時亭長張河寧

唐譚伯祖

以下闕

是碑歐趙洪以來著錄諸家皆未之及前題大字

二行後文一十三行行僅存數字其當中穿處曰

永興二年六月己亥月十日以通鑑攷之漢桓帝

永興二年甲午四月己亥朔七月戊辰朔則六月
為己亥朔無可疑者碑以立祠為主故不詳叙李
君出處之蹟蓋曾舉孝廉官郎中官宛令又官益
州刺史卒於官吏民追思為立祠也賊捕掾官名
不見於史志碑文系於勸農下則所謂各署諸曹
掾史者史亦未之詳也貴君以下則立祠之諸官
姓名其令則益州官也門人江秋史自亳州雙鉤
其本見寄既而又得此拓本紙墨皆新其碑今蓋
尚存俟更訪之

貴君之名微露上半似是盛字劉俊字种艾漢碑
多以艾為入也

婁氏漢隸字原云漢碑年字垂筆有長過一二字
者然此碑婁所不載也詳其筆勢蓋以當穿未得
放筆故於穿下不嫌過垂以伸其氣此不獨可悟
書法亦文章蓄瀉之理耳楊孟文石門頌命字則
以石紋斷裂適當垂處不遑寫下一字而引上脚
使長又與是碑年字不同

